

nuto Hironimo Longo et Botazo: fu preso. *Item*, retenir sier Michiel Foscarini fo dazier al dazio dil vin, qu. sier Zacaria et sier Marco Antonio Pizaman qu. sier Gabriel et XL Zivil nuovo fo dazier a le 3 per 100, et chiamar Antonio Botazo fo dazier. Et de li do primi retenirli. Ave: 52, 10, 8, de do nobili 51, 8, 9. Questi se intendevano insieme et haveano scriti di non si far danno nel tuor li daci di la Signoria, et haveano inteligentia con li caratadori avuti tolesseno li daci, li qual daci ha vadagnato, et però li Avogadori vol saper la verità et castigar tuti, *tamen* la pena di quel fà conventicoli in tuor daci. Presa 1502 nel Consilio di X con la Zonta, pagi ducati 500 et exilio *ut in parte*.

Da poi disnar, se reduse li Consieri a palazzo con li Cai di X, et fo grandissimo fredo et vento, et venuti li Savi, havendo el reverendissimo cardinal de Medici mandato a dir al Serenissimo voleva hozi venir a soa visitation et stetenò cussi aspetarlo fin hore 1 de note, el qual mandò a dir che per il tempo cativo non era venuto, et veria doman da sera, ma vol sia do soli col Serenissimo.

A dì 22. La matina. Reduto el Collegio da basso in camera dil Serenissimo, fo *letere da Vilaco, di l'orator nostro, di 19, tenute fin 20.* Come l'imperador partiria a dì de li per el Friul etc.

Di Mestre, di sier Zuan Marin podestà et capitano, di heri. Di certo caso seguito sul mestrin, di la morte de uno colonello de questi fanti italiani da uno capitano cesareo verso Uriago in strada, et sopra questo fo chiamà li Cai di X in Collegio, et par se dica, dito capitano dice haverlo morto de ordine de l'imperador.

Nota. Fo preparà la sala de suso, per dar audientia al cardinal, levà la carega è conza de raxo cremexin per meterlo de sora el Serenissimo, però il Collegio se reduseno da basso per hozi in camera di l'audientia.

Vene in Collegio sier Lunardo Emo savio dil Conseio, varito dil mal l'havia, si che è 4 savi dil Conseio.

Vene l'orator cesareo col cugnado dil comendador Covos a far reverentia al Serenissimo, fu posto a sentar apresso il Serenissimo, et li fo usà per il Serenissimo grate parole.

Nota. Il cardinal heri da matina fo a veder lo Arsenal, insieme con l'orator d'Ingaltera, il patriarca de Aquileia et alcuni altri. Fo molto honorà et preparatoli bela colation.

Di Treviso, di 20, hore 2, ricevute heri. Ozi

I Diarii di M. SANUTO. — Tom. LVII.

zonse qui li forzieri dil duca di Ferrara, diman soa signoria sarà qui dove è cavali zerca 200. El duca di Alba dia zonzer doman con alcuni zentilhomeni hispani de qui, vien a Venetia.

Vene l'orator dil duca de Urbin a dir quello comandava la Signoria che 'l scrivesse al suo signor, et li fo dito la continentia di le letere, come quella matina partiria da Vilaco per Pontieba et fino a Coneian vol far 7 alozamenti, et di Coneian andar per la più curta a Mantoa. Et fo scritto a li oratori nostri vanno a Soa Maestà, quali partirono questa matina avanti zorno per Portogruer con li presenti, et lo troverano a Spilimbergo, perchè Soa Maestà a dì 28 vol esser a Coneian.

Da Udine, dil locotenente, di 19, ricevute heri. Heri matina et tuto heri passò per la Chiusa la cavalaria dil signor Ferando di Gonzaga et tanti altri hispani più di 4000 cavali, li signori vien a Venetia zoè il marchese di Cucugliero parente de lo imperator, il conte di Calatrava, el conte de Cifarios, el conte di San Stefano, el duca di Alba, l'archidiacono di Toledo, el signor Diego di Varagas, do fradefi dil duca di Silvia et molti altri signori, et finora è passati fanti et cavali da persone 15 in 16 milia, a tuti è stà assai ben provisto de vituarie.

Personazi passati da Treviso di lo exercito di 37 la Cesarea Maestà, i quali vieneno a Venetia, come apar per letere dil podestà et capitano di Treviso, di 23 Octubrio 1532.

A dì 20 Octubrio.

Il signor duca di Cambiai, con nobili 12 et servitori 20.

Il signor di la Socha,

Il signor di Conde,

Il signor Daco,

Il signor de Valde,
con servitori 4.

Il reverendo domino Petro de Vega, capitano di la Cesarea Maestà,

Il signor Tomaso de Moro,
con servitor uno.

A dì 21 dito.

Don Hironimo da Carena,

Don Francesco Marsidam,